

NË EMËR TË POPULLIT

GJYKATA THEMELORE NË GJILAN-Departamenti i përgjithshëm Divizioni Penal, përmes gjyqtares së vetme gjykuese Snezhana Mihajloviq, me sekretaren juridike Suzana Kovaçeviq, në lëndën penale kundër të pandehurit Q.S. nga ..., rruga “ ... ” nr. ..., me mbrojtësin e tij H.J. avokat nga ..., për shkak të veprës penale lëndim i lehtë trupor nga neni 188 paragrafi 3 nën paragrafi 3.1 lidhur me nenin 1 pika 1.4 të KPRK-së , sipas aktakuzës së Prokurorisë Themelore në Gjilan PP.nr.63/18 të datës 15.01.2018, që e përfaqëson Prokurorja e shtetit Sllavica Popoviq, pas mbajtjes së shqyrtimit të parë publik gojarisht, në lidhje me marrëveshjen për pranimin e fajësisë dhe dënimit të arritur në prokurori me datën 27.03.2018, me datë 18.07.2018 në prezencë të palëve publikisht shpalli

A K T G J Y K I M

I akuzuari Q.S. nga babai S. dhe nëna Sh., e lindur K., i lindur më data e lindjes..., në ... ku edhe jeton, ka të kryer shkollën fillore, gipsër, i pamartuar, i gjendjes së mesme ekonomike, deri më tani i pagjykuar, nuk zhvillohet procedurë për vepër tjetër penale, shqiptar, shtetas i Republikës së Kosovës.

Ë S H T Ë F A J T O R

Me datë 04.01.2018, rreth orës 22:00, në shtëpinë e tij në rrugën “ ... ” në ..., i pandehuri pas një mosmarveshje fillimisht verbale me të dëmtuarën bashkëshorten e tij V.S., të njëjtën e sulmon edhe fizikisht, duke e goditur me grushta dhe shqelma në të gjithë trupin, dhe me atë rast të njëjtës i shkakton edhe lëndime të lehta trupore, të përshkruara si në raportin mjekësor me numër 412 të datës 05.01.2018 , lëshuar nga Qendra e Emërgjencës së spitalit regjional të Gjilanit.

-Me çka ka kryer veprën penale, lëndim i lehtë trupor neni 188 paragrafi 3 nën paragrafi 3.1 lidhur me nenin 1 pika 1.4 të KPRK-së .

Andaj gjykata duke u bazuar në dispozitat e nenit 4,41,42,49,50,51,52, 73 dhe 74, KPRK si dhe nenit 248 dhe 365 ,KPP të pandehurit e gjykon me

DËNIM ME KUSHT

I.Dënim me burg në kohëzgjatje prej 180 (njëqind e tetëdhjetë) ditëve, i cili dënim nuk do të ekzekutohet, nëse i pandehuri në afat prej një (1) viti dhe gjashtë (6) muajsh nuk kryen tjetër vepër penale në të cilin rast dënimi me kusht do të revokohet.

II.E dëmtuara V.S. nga fshati ..., për realizimin e kërkesës pronësore – juridike është udhëzuar në kontestin civil.

III. I pandehuri obligohet që në emër të paushallit të paguaj shumën prej 25 euro dhe shpenzimet e procedurës penale sipas llogarisë përfundimtare të kësaj gjykate në afat prej 15 ditëve.

III. Në përputhje me nenin 39 paragrafin 3 nën paragrafi 3.1 të Ligjit për kompensimin e viktimave të krimit, i pandehuri obligohet që në emër të taksave për kompensimin e viktimave të paguaj taksën prej 30 Euro.

A r s y e t i m

Prokuroria Themelore në Gjilan, Departamenti i përgjithshëm, ka ngritur aktakuzën PP.nr.63/2018 të datës 15.01.2018, kundër të pandehurit Q.S., për shkak të veprës penale lëndim i lehtë trupor neni 188 paragrafi 3 nën paragrafi 3.1 lidhur me nenin 1 pika 1.4 të KPRK-së . dhe i ka propozuar gjykatës që i akuzuari të shpallet fajtor dhe të ndëshkohet sipas ligjit.

Prokurorja e Prokurorisë Themelore në Gjilan Ismet Ukshini në seancën e mbajtur në lidhje me marrëveshjen për pranimin e fajësisë dhe sanksionit penal të mbajtur me datë 27.03.2018, ka mbetur pranë marrëveshjes së arritur mbi pranimin e fajësisë lidhur konform ligjit dhe dispozitës së nenit 233 KPPRK, me ç rast i akuzuari është njoftuar me pasojat dhe natyrën e nënshkrimit të pranimit të fajësisë, andaj mbeti pranë qëndrimit se janë plotësuar të gjitha kushtet ligjore që gjykata në tërësi të aprovoj marrëveshjen e cekur.

Mbrojtësi i të akuzuarit Q.S. avokati H.J. në tërësi është pajtuar me propozimin e prokurorit të shtetit që marrëveshja të aprovohet nga ana e gjykatës dhe se gjatë arritjes së marrëveshjes mbi pranimin e fajësisë i akuzuari me vetëdije ka pranuar fajësinë dhe është pajtuar me këtë, ka garantuar se në të ardhmen nuk do të ndeshet me ligjin, pasi që në mënyrë të sinqertë ka pranuar fajësinë. I akuzuari është penduar, deri sot nuk është gjykuar, andaj lutë gjykatën që të ketë parasysh këtë fakt dhe se me këtë dënim do të arrihet qëllimi i dënimit.

Marrëveshja mbi pranimin e fajësisë përmban të gjitha faktet, propozimin për arritjen e marrëveshjes për pranimin e fajësisë, njoftimin e të akuzuarit me të drejtat e tij si dhe pasojat e pranimit të fajësisë, dhënia e deklaratës me shkrim, se i njëjti e ka kuptuar natyrën dhe pasojat e pranimit të fajësisë dhe se të gjitha këto i ka pranuar vullnetarisht.

Gjykata konstaton se i akuzuari ka arritur marrëveshje për pranimin e fajësisë konform nenit 233 KPPRK dhe e njëjta marrëveshje është në harmoni me kushtet e parapara me pikën 12 të këtij neni.

Gjykata vërtetoi se i akuzuari ka kryer veprën penale dhe konstatoi se nuk ka përjashtime të parapara me nenin 248 KPPRK.

Gjykata aprovoi marrëveshjen për pranimin e fajësisë të lidhur në mes të PTH-Departamenti i përgjithshëm nga njëra anë, të pandehurit dhe mbrojtësit të tij nga ana tjetër për kryerjen e veprës penale të cekur në aktakuzën PP.nr.63/18 të datës 15.01.2018, pasi që për këtë janë plotësuar të gjitha kushtet ligjore.

Gjykatësja individuale vlerëson se i pandehuri e ka kuptuar natyrën dhe pasojat e pranimin të fajësisë, se pranimi është bërë në mënyrë vullnetare nga ana e të pandehurit, e pas konsultimeve me mbrojtësin e tij, se i pandehuri nuk ka qenë i shtrënguar në asnjë mënyrë që të pranojë fajësinë. Pranimi i fajësisë është i mbështetur në faktet e cekura në aktakuzë, andaj nuk ekziston asnjë rrethanë e paraparë me nenin 253 paragrafi 1 KPPRK.

Gjykata është e bindur se dënimi me kusht është në harmoni me peshën e veprës penale dhe se me një dënim të tillë do të arrihet qëllimi i dënimit i paraparë sipas nenit 41 të KPRK-së.

Vendimi mbi shpenzimet e procedurës penale është bazuar në nenin 451 KPRK, kurse vendimi për kërkesën pronësore-juridike në bazë të nenit 463 të KPRK-së.

Nga të cekurat e mësipërme është vendosur si në dispozitiv të këtij Aktgjykimi.

GJYKATA THEMELORE NË GJILAN
Departamenti i përgjithshëm
P.nr.66/2018 të datës 18.07.2018

Sekretarja juridike,
Suzana Kovaçević

Gjyqtarja e vetme gjykuese,
Snezhana Mihajloviq

UDHËZIMI JURIDIK: Kundër këtij Aktgjykimi është e lejuar ankesa Gjykatës së Apelit në Prishtinë – Departamenti i Përgjithshëm, në afat prej 15 ditësh nga dita e pranimin të njëjtit. Ankesa në dy kopje dorëzohet përmes kësaj gjykate.

Përktheu:
Ardijana Aliu